

مشتاق

صراط

۱۳۲۶

مطبعه و محل اداره :

جفبال اوغلنده امنيت
صندوغی جوارنده
شنگول يقوشنده
۲۵ نومبر

افطار :

مسلكه زده و افق آثار
جديه مع الممنونيه
قبول اولنور

درج ايدلمه ين آثار اعاده اولنماز

دينه ، فلسفه ، علوم ، حقوق ، ادبيات ، تاريخ ، سياست ، احوال و شئون اسلاميه بحث ايدرو هفته ده بر نشر اولنور .

آبونه بدلی

صاحب و مؤسسری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرلمه دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	اتی آیلغی	غروش
۶۵	۳۵	۳۵
۶۵	۳۵	۳۵
۱۷	۹	۹

عدد : ۱۳۹

۷ ربیع الاخر پنجشنبه ۲۱ نیشان ۳۲۷

آلتیجی جلد

خصوصاً صندیه حکومتك معالجه سیاستی جلب واستحصالة غیرت و همتریخی دین و ناموس اقدس نامنه بالخاصه نیاز واسترحام ایلم .

عفت اسلام نامه

بر عاجز

تو کیودن :

۲۰ ربیع الاول سنه ۳۲۹ تاریخنده ژاپون دولتک پای تخی بولنان توکیو شهرینه رفیق فضیلتو علی رضا افندی ایله علی الصباح واصل اولدق ریکشه ایله بر ژاپون اولتنه کیتک اشباری اولده براقه رق ینیه ریکشه ایله راکباً توکیوده بولنوب درت بش سنه اقامت ایدن فاضل محترم صاحب حمیت احمد فضل بک افندی ایله فضلالی هندیه دن احرار اسلامیه دن محمد برکت الله افندی جضرتلرینی زیارته شتاب اولندی شو غیور و مجاهد قرداشلریمک . نزل عالیلرینی بیله مدیکمزدن مقدما پکینه ارسال اولنوب، الیزده بولنان انکلیز لسانی ایله اخوت اسلامیه نامیه توکیوده نشرینه موفق اولدق قری جریده فریده لرینی رهبر ایده رک عربیه جیلر بیله مدکلرندن بر پولیسسه سؤال اولندی پولیس دخی عربیه جیلره بر اولندن سؤال اولمسنی بیان ایتدی، اوتله وارلیدی . اورادن دفتره باقیله رق بر خبر صحیح آلدی . یوله روان اولندی . برادریم احمد فضل بک خان سنه واریر وارماز ، یوله کندیسی بزه تصادف ایتدی ، ژاپون زادکانندن بریسی ایله چارشویه کیدیورایمش ، « السلام علیکم » دهرک بزی استقبال ایتدی . برلکده خانه عالیینه عودت ایتدک بر آز مکالمه دن و محبتدن صوکره بیوردیلرکه : « بوکون ژاپون عادات قومیه سی واردر ، کورلمسی لازمدر . برلکده کیدرایسک پک ممنون قاله جفر » موافقت ایتدک ، کیتدک . توکیو کنارنده دکزکی کورینور برنهر کورلیدی . کوپریدن . کوپرییه ، قایتدن قایقه اطه لر ایله مزین نهر دیزه قدر صو وچامور . مکر آنک ایچنده بولنان بالقری ستون اهالی بیوک کچوک ، قادین ارکک ال ایله و آت ایله مدیه ونه راست کلیرایسه چیقارمق اوکون آنلرک سیرانی وعادات قومیه لر ایمش . اوکونده کوزل بر هوایه تصادف اولندی . تا ایکندییه قدر اوراده قالدی . قایق ایچنده قالمق واکل ایتک شرط ایمش . بسیط یمکلری ، بسیط چایلری ایچلیدی . زیرا بولنرک هر شیئی بسیط ، تمیز و ظریف یایمق اوزره معاهده ایتمش اولدق قری آکلاشلدی . او قدر جم غفیرک چوغی عربان اولدق قری حالده هیچ بر نزاع و فزاعه تصادف ایدلمدی . وهرکس کمدی ایشیه مشغول ، نه کوزلتی وار ، نه ژاندارمه ونه پولیس . اولسه بیله کسه بیلمز ، کسه کسه یه باقماز . قایق دروننده ایکی خواجه عمامه وجیه و برفسلی بویه برقیافت آز کوردکلرندن دقتی باقیورلرایدی . بالاخره عودت اولندی . فقط اوراده پک چوق شیار مشاهده اولندی : ایاقلرنده نعلین ، بتون ملی قیافت لباسلری ملی و بسیط ، ولو فقیر اولسون

غایت تمیز . سراپا داخلی منسوجات ، هیچ اوروبا اخلاقی و متاعی کندیلرنده بولماز . زیرا احتیاجلری اولمدینی کبی اجنبی ماللرینی آلاماق ایچون اتفاقده ایتمش . حتی عرض ایده بیلیم که اوروپادن هر طرفدن آدمکلر کلوب دکان آچسه لر کسه آنلردن بیع و شرا ایتزلر . کسه یه برپاره و برقاریش اراضی و یرمه مک اوزره قرار و یرمشلر بونی حکومت یایما یور ، کندی معلوما تریدر و حسیات وطنیه لریدر . ذاتاً او قومیان آزدر . حتی ریکشه جیلر ینی عربیه جیلر بیله او قور بازار ، حسابی و نظامی بیلیرلر .

نظام و انتظامدن خارج بر حرکت ایتزلر ، خالی قالنجه هان غزته آلیر او قور ، آتی براقیر کتاب آلیر . و هر محله ده ریکشه جیلر موجوددر ، جمعیتلری واردر ، متفقاً و محتملاً قرائت ایدرلر . ریکشه جیلر انسانلردر . ذاتاً بر انسان اون حالک چکدیکنی بر عربیه ایله چکوب کیدیور . یوللرده و جاده لرده او قدر انتظام وارکه انسان حیران اولیور ار قدر نظافت وارکه انسان غبطه ایتمه مک ممکن دکل چونکه بو نظامی بزه دینیز امرایدیور ، کتابیز مقدس قرآن جلیل الشان بزه و بتون نوع بشره نظامی مدنیت و عدالت و اتفاق ، سعی و غیرتی کوسترمش ، یکدل و یکو وجود اوله رق چالیشمه لیز . نصرت الهیه و توفیقات سبحانیه دائماً بزمه اوله جغه شهیم یوقدر . ایکنجی کون بورایه بر ذات معالی صفات طرفندن تحصیل علوم و فنون ایتک اوزره اعزام اولنان توفیق ، فهمی و منیر افندیلر ایله کورشیلیدی . چوق ممنون اولدق ، کندی حاللری و درسلی ایله مشغول و شمدیلک ژاپونجه بیلیمه سی و غیرت ایدیورلر .

سید طاهر الحسینی

مسلمانلره :

تاریخ اسلامیت تدقیق ایدیورسه کوریلور که ماضی عالم اسلامیه ، دین مبین احمدی سالکینه برکستان عرفان ، بر ساحه ترقی تشکیل ایتمشدر . اوروپانک اک هجرا بر کوشه سی آسیانک اک قویه . بر قصبه سی بیله عرب مدنیت و ترقیات ماضیه سی ، آرنا وودلرک بر - سوق مفاخر سابقه سی ، ترکلرک صبور و متوکل شجاعت مردانه سی ، عجملرک شمس الدینی قطب الدین رازیلرینی سعیدلرینی ودها پک چوق ادبانه سی ، خطبای بلیغه سی کمال تواضعه یاد ایدر .

بوکون بیله خیامک رباعیاتی انکلیز لسانه ترجمه ایدلش واونلرک مراسم دینییه سی صره سننده او قونه جق قدر بر موقع حشمت و بلند قزانشدر .

ماضی ، اسلامیتک علویتنی دائماً بر داستستان ظفر ؛ بر رهبر فیض و عرفان برودادکه دائماً خطمه لرزه بخش اوله رق یاد ایدر .

عربستانک اقلیم حاری اسلامیتک ، انسانیتک مهدی اولدی . ای اخوان دین ، ای خدانک اسلامیه مشرف قیلدینی سالکین

ای آرناوود وعرب وطنداش . ای مسلمان قردهش ! مطلبك
رفاهكیمیدر ؟

آرزوی یكانهك سعادت دنیویه واخرویه كیدر ؟

بو كی یكی قیام بونك ایچونمیدر ؟

بو آرزونك صافیتنی ، هاشمیلک محق اولدیغنی قبول اییدیور .

وبو اجرا آتلك نتیجه سنی ایضاح اییدیورم .

عصر حاضر كاك قوی الشكیمه حكمدار اسلامی كیمدر ؟

عثمانی حكمداری ، اسلام خلیفه سی دكلی ؟

دوشون كه بوكون اسلام ، اسلام حكمدار لر ایچرو سنده حكمران

اولان قوی حكومت اسلامی عثمانی حكمداری ، عثمانی حكومتی .

زمان زمان بر ساحه وسیع سی الیم فریاد لر ، جانخراش اینلرله دست

اجانبه كچن بو تاج و تخت بو نسبت معینه داخلنده فدای ممالكده ،

تسلیم قطعده مضطر و مجبوری قالیرسه بیلم قاج سنه ده ها طالع

اسلاملره یار اولمش ، اسلامیت حكمران اولمش بوانور .

دشمندن آلدیغمز سلاحی دوسته صیقاراق ، جگری

یانیق ، یاره لی بر قوش کبی چیرپنهان بو حكومتی بو تاج و تختی

بیلم كه كیمار ، هانکی صاحب ذوالفقار حمایه وصیانت ایده جکدر .

اوروپانك عقلره وله ویرن اخباشام ترقیسی ذاتا بزی سوندورمه

اولدیرمه کافی ایکن بزم بویله كندی قلبی کندی المزله ودشمن

حنچریله دایك دشیك ایتمه اوغراشمق ... سویله ای صاحب وجدان

وطنداش سویله ای قلبی نور اسلامیتله منور قردهش بومیدر دین

محمدینك امری ... بومیدر خدای اكبرك مطلبی ... سنك مطلبك

سنك قیامك عدل وحق ایله مشبوع اولدیغنی فرض ای دیلسه بیله ایشته

نتیجه قیام ، ایشته علوی مطلبك اسلامیتی خرابه زاره ، کاستانی خارستانه

وارلنی عدمه چورین نتیجه مؤسفه سی .

شمیدی به قدر آثار عرفانی ادراك ایده رك اجدادیکه او قودیفك

فاتحه بی ، بردها طوغمه مق ارزره اولدورمه چالیشدیفك خلافت ،

تاج اسلامیت او قومق اقضای املاك ایسه چالیش ، چالیش كه جوانب

اربعه مزی کسکین دندان استیلا سیله صاران دشمنلر مزی ، اوزرمزده هر آن

طولاشان غدار وبی آمان فلاکت بلوطلرینك خادم حقیقیسی اول .

بویله غیرت ایدرسه ك دینك ادبارینه افنا نه آلت اولور ایسه ك خدا

روز محشرده ظهورك اولور ؟!!.. اویان ای غفلتك جهلك قربان اعتدالی

اولان اسلامیت ... بوكون افغانستاندن ، ایراندن وبتون حكومات

اسلامیه نك عاقبت مدهشه سندن عبرت بین اول .

سریع خطوطلره یورودیکك بو سطح مائلك اوچوروم اولان

استهاسی بك اوزاق دكدر . او كرداب فلا کته یو وارلاندقدنصکره سنی

ترخیصه ، تخلیصه قوش جق سكا دست معاونت اوزاته جق فرد آفریده

بوله مازسك .

اجدادكدن سكا انتقال ایدن اوانصیه پاك ودرخشانکی خدای لمزله

قالدیر .

الهی هنوز توحیددن آثارینی حس ایتدیکك قلبكه قوی . بر آن

دین محمدی ، دوشونه لم كه دون بزم وارلغمز ، موجودیتیز ، بزم

اجداد مزه رحمت اوقوته جق بر جوق مفاخرمز وار ایدی .

آسیانك ، اوروپانك کنار وجوارندن زمان زمان طوغان حكومات

اسلامیه ، حشمتلر ، دین اورغورنده فداكاراقلر كوسه تردیلر . فقط

بوكون بتون او اعظم اسلام و حكمداران برر ماضی اولمشدر .

جهان انسانیت نشر نور معرفت و دین ایچون فی سبیل الله « غزای

اكبری جانه منت بیان بیکلرجه اخوان دینزك نامندن باشقه ، فداكار-

لقلرینك بر هیچه منجریتندن باشقه نتیجه كورمك محالدر .

صدای توحیدی ایصال بارگاه احدیت ایدن میلیونلره اسلام دست

برسینه و همیشه طعمه اجانب اوله كیده در .

افغانستانك سونوك تاج امارتی ، تونسك ، فلسطك ، نیجه اجانبه

دائما كوجولن صدای فریادی ، مسقطك ضعف حالی ، مصرك حال

حاضری ، ایرانك سرنگون اولغه یوز طوطان نام و نشانی اسلامیت

معظمه مزیك ، دین مبینك بقاسنه خادم اوله ماز .

بزكه نشر واعلای دین ایله مكلف محمدیلرز . واسفا كه بوكون

محافظة دین ، محافظه خلافت عظمایه ابراز اقتدار ولیاقتدن عاجرز .

اعداسنه ، رعایاسنه عدل ایله ، رفق وشفقتله حكمدار اولان اسلامیان

بوكون یوزده یتیم اعتباریله زبون اجانبدر . حاكم عادل اول دین

دینزه قارشی بز محكوم اوله جنز . بویله ایستیورز وایشته محكومز ،

دیمكدن ذوق آله جق بر فرد تصور ایده م .

عددی وعظمت حكمرانیسی حیرت رسان اجباد وعظامتك متعدد

زمان ومكانلرده قوردینی بنای حكومت زسطوت نهدن بر دومان کبی

بی اثر قالمشدر . بنای اسلامیت نه ایچون بویله میال انهدامدر .

اوت بوتعبیر بر آز آغیرجه كوزیکور ، فقط حكمداری محكوم ،

تبعه سی اسیر اولمش بر دینك بنای احتشامی سونمشدر ، رهین زوالدر

چونكه « وجاهدوا ... امر جلیلی « وجاهدوا فی سبیل الله

علی التپوش الاحمر « طرزینه قویدیغمز دن وبر اسلامی ، بر اسلام

حكمداری ، بر خلیفه عسکری ایله حربه ... حربه دكل جهاده !

سوق ایتدیکمزدن در .

اجانبك المزه صیقیشدیردینی سلاح ایله دینداشمزی وطنداشمزی

قتل مباحدر ذیرسهك وبر مختص شان ونامك بلا مقصد

مشروع واسطه جنایتی واسطه شناعتی اولورسهق خدانك

اعلای دینه ، امورسكز دیدیکی اوامر بلغی ، سالك دین وشریعت

قرداشلمزك قانی ایچمكه تفسیر ایدرسهك ای اولو اسلامیت یارین

سن برئولو حالنه كله جك ، اجسادك ، مبارك طوپراغك ، مكك ، مدینهك

قبله اسلامیتك . كعبه معظمهك برر مهد علم و عرفان و دین ایکن اجانبك

پای بی انصافیه چكهنه جك ، سكا ... ای علوی اسلامیت برر مزار

سفالت وسفاهت اوله جقدر .

جناب ذوالجلال اسلامك معین وظهیریدر ... فقط اسلام اودر كه

احكام قرآنییهی ، فرائض ووجائب دینییهی بیلیر واجرا ایدر .

مفکره کی اسلامیتك عاقبتی دوشونمكه حصر ایت. و بوندن صوكرده و جدانك سنك آمر عادلک اوله جقدر.

مولودرهده تبعه دولت علیه دن
قونیه لی

مصطفی راغب

مطبوعات

حقسز اتهام ، محق مدافعه

روسیه مسلمانلرینك بر آز او یقودن باش قالدیروب محافظه ملیت و تزید قدرت ایچون چایشمه یه باشلادقلرندن بری ، روس حکومتی و بر قسم - برکت ویرسون کو چك بر قسم - روس مطبوعات ، اولنر علیه نه کیندکجه آرتان ، چوغالان تعرض و اتهام اولقلری یاغدیروزلر. منابت دوشدکجه بو حقسز تعرضلری یازوب ، شمال قاره قوشنك یرتیجی طیرناق ییجه سنده صیقیاروب آزیلن زواللی دین و دیل قار - ده شلریمزك حالندن و طنداشلریمیزی خبردار ایتیه اوغراشیورز. صوگ آیلرده تضیققلر پک زیاده چوغالیدی. قزان ، اورنبورغ ، اوفاء باکو کی مراکز اسلامیهده باجمله مسلمان غزته اداره خانه لری تفتیش و بر چوق نامدار مسلمانلر توقیف ، بعض غزته لر تعطیل اولندی. روسیهده مسلمان حیات و مدنیتی محو قصدیل بو صیقیجی ، ایزیحی ییجه نك طیرناقلری باتمایان بر باغچه سرای ، اسکی قریم خانلری اقامت کاهی اولان بو آسوده و نائم بلده قالمشدی. صوگ کلن « ترجمان » ، ییجه نك بورایهده اوزاندینی یازیور :

« کچنلرده روسکویه زنامیا » غزته سنده باغچه سرای حقنده بیوک براقرا واردی . پترسبورغده نشر اولنان و معلوم بر فرقه سیاسیه نك ناشر افکاری اولان بو غزته ده روسیه مسلمانلری حقنده بر جوق کولچ و فنا شیلر یازلمده ایسه ده بونلرک ردینه تزل ایتبور ایدك ، چونکه یازیلرک اکر یلکی و غرضلری ذاتاً جمله ظاهر کی ایدی . بودفعه باغچه سرای علیه نه یازدینی افترا معناً و موقعاً توکروب کچه چك شیلردن دکدر . او قدر دکدرکه حالادرین ایتقو لرده بولنان بز مبارک آدملری طوب سسندن او یانمش کی مذکور غزته یی قهوه دن قهویه آلدیروب ، آلدن آله کزدیروب حیران ، حیران اوقومه یه نجبور ایتدی .

افترا نك خلاصه سی شودر :

« تانارلر بلده سی اولان باغچه سرای استانبول ایله مناسبتده در استانبولدن کوندرلش سیاسی آژانلر (مأمورلر یوواسیدر ، برمدنبری روسیه یه صادق و دوغری قارت مللاری خدمتلرندن چیقاروب عثمانی تربیه سی آلمش یکی فکرلر ایله طولش یاش منلاره مقام ویریلور امام و معلم تدارک ایتک اوزره استانبوله طلبه یووالانیور . بو حالک ثمره سی اوله رق ایمپراطور نامه دعالر اید. لمبور ، سلطان مراده (!) دعا یدیلور ، مکتب کتابلرینه ینه سلطان مرادک رسمی طبع اولنور . قهوه خانه لرده مکتبلرده سلطانک رسمی دیوارلره آصیلور ، قوزی دریمی قالیاق ترک اولنوب ، عثمانی فیملری کییلور و الحاصل روسلره خیانت تدارکنده بولنیلور .

« کله لم افترا نك کیزی مطلبه : « تانارلره امنیت ایدلامی ، هر درلو ایشدن اموردن ال چکدیرلی ، بر کون بونلر باشمزه بلا چیقاره جقدر » .

« ترجمان » رفیق محترمز بوقوری افزالری جوابسز براقیور : « روسکویه زنامیا » فرقه غزته سی منفعت و غرض ورقه سی اولدینی حالده دخی یازدقلری شیلر و خبرلر عقله معقول منطقه موافق اولمق لازم دکلی عجباً ؟ مسلمانلره قره لکلر سورمک ، لوقه لرینه زهر و آغوسریمک مراد اینسون . . . بز قره یازیلی باشمز دیوب کچرسکده بیچاره روسلرک کنهای ندرکه بوبله فنا یالانلر ایله بونلرک کوکلنی قرار دیورسز ؟ اوت ، باغچه سرایده برخیلی عثمانی تبعه سی واردر . بونلرک بر جزوی آناطولیدن کلش اوستالردر لبوادیاده سرای ایمپراطوری انشاسنه چالشدیریلانلرک قارداشلری و همشهریلریدر فورونجیلر طاشجیلر . . . بونلر میدر قورقیلان سیاسی مأمورلر ؟

« بر مقدار ده ها عثمانی تبعه سی قریم تانارلریدر که مهاجر اولادی اوله رق اکثری قریمده دوغمش ، ترکیانی کورمالمش فقرادر ، هر بری هر سنه پولیسیدن والیدن اقامت رخصتی آلوب بر لوقه اکک ایچون چالیشیورلر . بونلرک عقی ، فکر و معلومات « روسکویا زنامیا » خبرچیسنك عقی قدر اولسه کرکدر ظن ایدرز .

دوغریدر ، باغچه سرایده برخیلی فسلی کورونیور . بز وقتی ده ازیاده اولیور لکن یکی بر عادت دکدر ، پک اسکیدر . فرانسیز شایقه سی کیمش روسلر و طنلرینه نقدر خائن ایسه . فس کیمش بعض تانارلرده شوقدر خائندر . دوغریدر ، بعض قهوه لرده عثمانیله باصلمش رسملر واردر . لکن قارشی دیوارده جنرال سقوبیلک جنرال غورقونک حبش ایمپراطوری منلیک حضرتلرینك رسملریده بولنور . . . وطنده ایش بولسه لر دیار غربته چیقمازلر ایدی . طلبه حرکتی دخی بوبله در .

« بوکون اوروپاده دخی بش اون تانار طلبه سی واردر ، بونلر فرانسیزمنستر لرینه محبت ایدوب کیشیور ، طبق روسلرکی لسان و عرفان بولنده چالیشیورلر . « روسکویه زنامیه » تانارلرک جاهل اوغلی جاهل قاله لرینی ایتبور ایسه ، قباح تانارلرده کل غزته نك یا کلش نظرنده در .

فقط بو سوزلری کیم دیکلیه چک :

قاضی اوله دعواچی و محضر دخی شاهد ،

اول محکمه نك حکمنه دیرلرمی عدالت ؟

ژاپنیاده منتشر اخوت اسلامیه غزته سنك ۱۲ نجی نسخه سندن عیناً :

فلمنکیلرک هند شرقیده استبدادلری

بر سلطانک بیانی

سنغاپور رفیقمز « ستریتس تایمز » غزته سنك ، ۱۵ شباط ۱۹۱۱ تاریخ نسخه سی حراولمق ایچین چالیشان بونون حکومت اسلامیه نك کوزینی آچنه یارایه چق بر مکتوب نشر ایدیور . اسلام مملکتلری اوزرنده اجرای حکومت ایدن اوروپا دولتلری بو حکومت اسلامیه نك بر دوره تجدد و تعالی یه کیرمسی منع ایچون هر درلو اسبابه توسل خصوصه سنده یکدیگرینه باغلیدرلر . لکن فلمنک حکومتی طرفسندن جاوا ، سوماترا و سائر هند شرقیده کی مسلمانلره ایدیلن معامله تاریخ بشریتده انک چیرکین بر بحیفه تشکیل ایدر . بوزاده کی مسلمانلره عادتا بر جانی کی عداولونویور ، کنیدلرینه حیوان کی معامله اولونویور ،